

說文外編

說文外編卷三

吳騭雷漫

經字

易

耳 說文無耳字詳卷二耳下

確 文言傳確乎其不可拔繫辭傳夫乾確然說文無
確字陸德明於確中確然下兩引說文云高至案說
文門部窪高至也从佳上欲出門易曰夫乾窪然胡
沃切依陸則確然之確當作窪確乎之確亦當作窪
也 玉篇確口角切堅固也亦作塙案說文土部塙
堅不可拔也从土高聲苦角切錢氏大昕曰卽確乎

其不可拔之確。又說文石部確。磐石也。从石角聲。胡角切。鉉等以爲卽確字。

磐 屯初九磐桓。說文無磐字。陸釋文曰。磐本亦作盤。又作槃。而陸爾雅釋文引此文作般。桓般正字。盤槃假借字。磐俗字。漸六二鴻漸于磐。依王弼義當作盤。荀子富國篇國安於盤石。楊倞注。盤石。盤薄大石也。古書多如此。而史記孝武本紀封禪書。漢書郊祀志引此文皆作般。義亦異。

運 說文無運字。馬部驢。駘驢也。从馬。𠂔聲。易曰。乘馬驢如。卽屯六二之屯如。運如。乘馬班如。說文引經多。

有如此者又走部趁趨也趨趁也其字从走不从足而篆文偏旁相似蓋經文本作𨔵或又作趨因之隸變爲適耳

哀 謙象傳君子以哀多益寡說文無哀字陸釋文曰哀鄭荀董蜀才作攄取也爾雅釋詁哀聚也陸釋文曰哀古字作𦵏案說文手部攄引取也此哀益之正字衣部𦵏衣博裾此假借字後又變爲哀耳

勑 附 易噬嗑象辭先王以明罰勑法陸釋文曰勑恥力反鄭云勑猶理也一曰整也案說文勑勞也从力來聲洛代切絕非易勑法字支部敕誠也从支束聲恥

力切此勅法之正字

漢書藝文志易曰先王以明罰勑同師古所見本作勑云讀與古曰飭整也讀與勑同

可同者言飭爲勑之假借字也一變爲勑說文所無

陸釋文曰再變爲勑與力部訓勞字混不可不辨

趾

說文無趾字噉嗑初九履校滅趾陸釋文作滅止

說文部首止下基也象艸木出有趾故以止爲足案

許云以止爲足言止有足義卽趾字也古經典凡訓

足之字多作止觀經典釋文及他古書引經者自見

今皆作趾獨士昏禮北止鄭注止足也猶存古字王

制交趾史記五帝本紀作交趾漢書後漢書同

腊

噉嗑六三噉腊肉說文肉部無腊字日部咎乾肉

也从殘肉日以晞之。籀文从肉作𩚑。𩚑即𩚑之形變。
稊 說文無稊字。大過九二枯楊生稊。陸釋文曰稊鄭
作莢。案謝靈運從游京口詩原隰萋新柳李善曰莢
與稊音義同。

沝 坎象辭水沝至。說文無沝字。陸釋文曰沝。千寶作
荐。案爾雅郭注於荐再也。下引易曰水荐至。是郭所
見本作荐。此假借字。正當作瀉。說文瀉水至也。玉篇
沝同瀉。

嗟 離九三大耋之嗟。說文無嗟字。陸釋文曰荀作差。
下嗟若亦爾。案萃上六齋咨涕洟。又通作齋。其實正

當作善說文善咨也一曰痛惜也廣韻九麻嗟善同
嘻 家人九三婦子嘻嘻陸釋文曰嘻嘻馬云笑聲鄭
云驕佚喜笑之意張作嬉嬉陸作喜喜案說文無嘻
字亦無嬉字當依陸作喜喜又檀弓嘻其甚也鄭注
嘻悲恨之聲定公八年左傳從者曰嘻速駕公斂陽
在杜注嘻懼聲諸嘻字當作諠說文諠痛也曹子建
七啟廟諱微子俯而應之曰諠有是言乎李善曰諠與
嘻古字通也

掣 睽六三其牛掣說文無掣字陸釋文曰掣說文作
𦍋云角一俯一仰案今說文𦍋一角仰也从角切聲

易曰其牛羴 玉篇羴同羴羴充世切率也說文曰
引縱曰羴以上玉篇案此羴字今俗作扯說文作羴

拆 解彖辭百果草木皆甲拆俗本如是陸釋文作圻
說文無拆字圻作塉土部塉裂也从土庌聲引詩不
塉不驅卽大雅之不圻不副也又木部塉判也从木
庌聲易曰重門擊塉案塉訓判从木庌聲與塉聲義
竝同而引易重門擊塉者引易說假借也塉之本音
當同塉丑格切大徐他各切此擊塉塉字之音非訓
判之音也大徐此等處甚多

煩 夬九三壯于煩陸釋文曰煩求龜反顧也又音求

鄭作頰頰夾面也蜀才作仇案說文頁部無頰字頰

權也

權卽顧

从頁夨聲渠追切此頰之正字作仇者假

借字

髻

夫九四髻无膚說文無髻字尸部屍髀也从尸下

丌句居儿句

徒覓切或从骨殿聲作髻爲髻之本字

从月者从骨之變

禴

萃六二字乃利用禴鄭云夏祭名說文示部無禴

字禴夏祭也爾雅釋夫夏祭曰禴彼釋文曰禴本或

作禴

疾

困六三據于疾藜說文艸部有藜字無疾字齊疾

柳 既濟六四繻有衣袽。說文無柳字。陸釋文曰。柳。說文作絮。子夏作茹。京作絮。案說文絮。絮縕也。一曰敝絮。从糸奴聲。易曰。需有衣絮。卽既濟之繻有衣袽。子夏作茹。假借字。京作絮。或云卽絮之譌字。又說文衣部。袽。敝衣。从衣奴聲。巾部。帟。巾帟。从巾如聲。一曰敝巾。聲義皆相近。

揉 說文無揉字。繫辭傳。揉木爲耒。漢書食貨志。作燠。木考工記。凡揉牙。外不廉而內不挫。旁不腫。說文火部。燠。下引作揉牙。說文。燠。屈申木也。此揉之正字。說卦傳。爲矯輶。陸釋文曰。輶。宋衷王廙作揉。京作柔。案

概柔皆假借字

網 繫辭傳天地網緼說文有網字無刺字肅部齊聲
查也从凶从𠂔易曰天地查𠂔即天地網緼漢幽州
刺史朱龜碑星精齊網補釋卷十刺作膏網如俗文選潘
安仁爲賈謐贈陸機詩二儀烟烟李善引易天地烟
烟二字皆从火 陸釋文曰網本又作𦼮網本又作
𦼮案說文亦無𦼮𦼮此條可與俗字𦼮𦼮參看

𦼮 說卦傳日以𦼮之說文無𦼮字樂記煖之以日月
煖即𦼮說文煖溫也从火爰聲況袁切音義竝合而
俗讀上聲之煖字則當作煖 陸釋文曰𦼮徐古鄒

反又香元反案古鄧反其字當从互今从耳自當香
元反俗又从宣作𠂔如𠂔之从宣作𠂔本一字分爲
二字也廣韻二十二元𠂔溫也煖同

妙 說卦傳神也者妙萬物而爲言者也說文無妙字
陸釋文曰妙王肅作眇音妙案漢書楊雄傳聲之眇
者不可同於眾人之耳師古曰眇讀曰妙張山拊傳
總五經之眇論師古曰眇讀曰妙此類古書甚多畧
舉已可見矣

易字二十六幹筮構億掛叙六字不在內例見卷二

書

昊 說文作昇在亦部

訛 堯典平秩南訛說文無訛字史記五帝本紀作南

爲一本作南譌非索隱云春言東作夏言南爲皆是耕作營爲勸農之事漢書王莽傳

作南僞羣經音辨人部僞化也注引書平秩南僞蓋

爲僞二字本相通爲僞古音皆讀如譌譌之俗體作

訛故史記一本作譌尙書作訛也堯典訛字尙是孔後所改細讀史記

索隱小雅無羊章或寢或訛毛傳訛動也此訛字

當作吡說文吡動也王風兔爰章尙寐無吡毛傳吡

動也如此作小雅節南山章式訛爾心鄭箋訛化也

此訛字亦當作吡幽風破斧章四國是吡毛傳吡化

也。化卽動之引伸義也。小雅沔水章民之訛言。正月章民之訛言。此訛字當作謫。說文謫謫言也。从言爲聲。詩曰民之謫言是也。經傳訛吡謫三字多亂分別之。其大畧如此。

𦏧 堯典鳥獸𦏧毛。說文毛部無𦏧字。𦏧毛盛也。从毛隹聲。虞書曰鳥獸𦏧毛。此𦏧之正字。又𦏧部𦏧羽獵韋綉从𦏧。攷聲。或从衣从朕作𦏧。引虞書鳥獸𦏧毛。此引書說假借。江氏尙書集注音疏作𦏧。

𦏧 舜典五玉三帛二生一死𦏧。說文無𦏧字。陸釋文曰𦏧本又作𦏧。案此字尙書作𦏧。周禮禮記作𦏧。儀

禮作𡗗亦作𡗗左傳作𡗗或作質孟子作質擊質皆
假借字說文𡗗一曰虞書雉𡗗案虞書雉𡗗卽堯典
之一死𡗗知𡗗者許之𡗗字

扑 舜典扑作教刑說文無扑字部首支小擊也从又
卜聲此扑之正字手部撲挨也挨擊背也義亦相近
支撲似古今字古又假剝字爲之關風八月剝聚毛
傳剝擊也

洲 舜典流其工于幽洲說文無洲字孟子作州陸釋
文於舜典不出洲字於周南出之可知陸所據舜典
不作洲周南乃作洲然周南在河之洲說文川部州

下引作州爾雅釋水小洲曰渚說文水部渚下引亦作州說文州遼水中可居曰州句从重川昔堯遭洪水民居水中高土故曰九州可知水中可居爲州之本義引伸之乃爲九州後世以引伸之義爲本義別製洲字此古今字之變也

猾 舜典蠻夷猾夏說文無猾字昭公二十六年左傳無助狡猾陸釋文作狡滑漢書酷吏傳猾賊任威在成傳中史記酷吏列傳作滑賊

勵 皋陶謨庶明勵翼

說文無勵字三國志先主傳任昔虞書敦

敘九族庶明厲翼注引鄭注曰庶衆也厲作也以衆明作羽翼之臣也厲字不加力古書勉勵字多如此作然依說文則爲假借字說文勸勉力也周書曰用勸相我邦家讀若厲此勸之古讀爲勉勵之正字今讀如邁非

脞 益稷元首叢脞哉陸釋文曰脞馬云小也說文無脞字口部𦣻目小也卽脞字蓋脞之本義爲目小引伸爲凡小之用

墮 益稷萬事墮哉陸釋文曰墮許規反說文無墮字阜部墮追敗城阜曰墜許規切重文作墜卽萬事墮

哉之墮移易偏旁非有二字

廣韻五支陸毀也墮同墮俗

墮字又

有徒果切一音此當作陟說文陟落也从阜多聲徒果切亦通作隋召南毛傳盛極則隋落者梅也

兗

禹貢兗州作兗沅水作沅說文有沅字無兗字口

部台目讀若沅州之沅史記夏本紀濟河維沅州

皆作沅兗字下體从允上體不知所从不成字

或曰上體

乃三之變蓋移水於上又橫書之也

淄

禹貢淄淄其道說文無淄字廣韻七之淄水名又

州名古通用蓄案周禮職方氏其浸蓄時鄭注蓄出萊蕪卽淄淄其道之淄漢書地理志作淄師古曰淄

或作潯古今通用也。餘如臨潯作臨蒗。臨蒗古書多如此。

斥 說文作𡗗。在尸部。

瀝 說文無瀝字。淮南本經訓導瀝澗。祇作瀝。無水旁。江氏尚書集注音疏如此作。

岷 說文山部無岷字。嵇山在蜀湔氏西。徼外从山。散聲。玉篇岷嵇同。史記夏本紀凡禹貢岷嶓既藝。岷山之陽。岷山導江。諸岷字皆作汶。

嶓 說文無嶓字。江氏尚書集注音疏作番。

澧 說文無澧字。禹貢澧水攸同。東會于澧。漢書地理

志皆作鄧此假邑名字爲水名字大雅豐水東注祇作豐無偏旁正義引禹貢東會于豐亦作豐

𡿨 說文無𡿨字禹貢導𡿨及岐史記夏本紀漢書地理志皆作𡿨史記正義引括地志云𡿨山在隨州𡿨源縣西六十里𡿨水出焉然則山因水得名後人妄以偏旁相合耳亦作𡿨禹貢涇屬渭汭正義引地理志云涇水出安定涇陽縣𡿨頭山此𡿨字漢書作𡿨在地理志安定郡涇陽下陸禹貢釋文曰𡿨字又作𡿨馬本作開案作開恐是作𡿨之譌

𡿨 禹貢三百里納𡿨說文無𡿨字陸釋文曰𡿨本或

作楷案說文楷不槩去其皮祭天以爲席也从禾皆聲本在皆部重讀入黠部故唐韻古黠切爲枯之本字漢書地理志作曷則假借字

懷 五子之歌懷乎若朽索之馭六馬說文無懷字古通用廩哀公十五年少傳無乃廩然隕大夫之尸漢書食貨志可以爲富安天下而直爲此廩廩也

徇

說文無徇字

廟

征道人以木鐸徇于路此徇字當

作徇詳卷二殉下史記五帝本紀幼而徇齊裴駰曰徇疾也索隱曰爾雅徇速俱訓爲疾今徇亦訓疾未見所出淺案說文徇疾也徇齊當是徇齊之譌爾雅

釋言徇徧也陸釋文曰徇本又作徇樊本作徇

猷

猷字始見湯詒克紱厥猷說文無猷字經典猷猶

錯出不畫一盤庚汝分猷念以相從漢石經作猶

狹

咸有一德無自廣以狹人說文無狹字廣韻三十

一洽狹陝同說文陝隘也从阜夾聲侯夾切爾雅釋

宮陝而修曲曰樓彼釋文曰陝俗作狹案又通夾後

漢書東夷列傳其地東西夾南北長章懷注夾音狹

卽狹字陝與宏農陝字異宏農陝字从二人陝从

二人也

穢

盤庚無起穢以自臭說文無穢字艸部蕞蕞也卽

穢字鄭周禮蜡氏注不欲見人所穢惡也考工記注
粵地塗泥多草蕨皆如此作又通作減淮南齊俗訓
蕪減而不得清明又河水欲清沙石減之皆假借字
沃 說命啟乃心沃朕心說文無沃字玉篇沃同沃說
文沃灌溉也灌溉則土肥故曰沃土引伸之爲沃盥
皆當作沃

麴 說命爾惟麴糴說文無麴字玉篇麴鞠同說文米
部鞠酒母也从米鞠省聲或从麥鞠省聲作鞠 麴
作麴尤俗

彤

附

高宗彤日江氏尚書集注音疏作融曰其言曰融

僞孔本作月旁箸𠂔說文所無鄭絲衣箋云周曰釋
商謂之融則字當作融浚案彤作融可也謂月旁箸
𠂔則誤矣玉篇舟部彤余弓切爾雅云祭也又丑林
切舟行也說文彤船行也从舟𠂔聲丑林切則彤卽
彤之隸變凡舟旁字隸變例作月非骨月之月字五
經文字彤音融亦在舟部

酏 微子我用沈酏于酒陸釋文曰酏說文作醕案說
文醕醉醬也無酏字

躋 微子告子顓躋馬注躋猶墜也說文無躋字足部
躋登也从足齊聲商書曰子顓躋卽微子之告子顓

隋史記宋世家亦如此亦可作齊士虞記隋祔爾于
爾皇祖某甫鄭注今文隋爲齊

麾

說文無麾字玉篇麾亦作麾說文𡔷𡔷旌旗所以

指麾也沒案亦可作搗說文搗一曰指搗也後漢書

劉

廟諱

傳旌旃之所搗及章懷注搗與麾同又可作戲

漢書灌夫傳嬰去句戲夫句晉灼曰戲古麾字也師

古曰漢書多以戲爲麾字

𡔷

洪範𡔷𡔷洪水說文無𡔷字土部𡔷塞也尚書曰

𡔷𡔷洪水此𡔷之正字𡔷作𡔷尤俗

替

旅葵無替厥服說文無替字竝部替逗廢逗一偏

下也从竝白聲。或从日作替。或从𠂔从日作替。替蓋替之形變。

毗 微子之命。毗予一人。毗說文作毗。在凶部。

瘰 康詒恫瘰乃身。孔傳恫逗痛。句瘰逗病。句說文無

瘰字。後漢書和帝紀朕瘵寐恫矜。注引尙書曰恫矜乃身。引孔安國注曰恫痛也。矜病也。知瘵古通用矜。

𠂔 洛誥𠂔來說文無𠂔字。羣經音辨于部平使也。注

引書平來以圖知𠂔古作平。爾雅釋詁𠂔使也。𠂔從也。彼釋文曰𠂔字又作𠂔。同。江氏尙書集注音疏凡𠂔字皆作𠂔。詩作𠂔。大雅𠂔云不逮毛傳𠂔使也。平

𦵏𦵏皆假借字其正字當作𦵏說文𦵏使也普丁切
錢氏大昕曰𦵏𦵏卽粵筆之與文沒案爾雅之粵筆
卽周頌之𦵏蜂周頌𦵏字毛無傳已見大雅也

𦵏 洛誥汝乃是不𦵏陸釋文曰𦵏馬云勉也說文無
𦵏字錢氏大昕以爾雅釋詁孟勉也孟字當之案孟
與𦵏義同音近而形不近孟之變無由爲𦵏大雅度
之𦵏𦵏毛傳言百姓之勸勉也𦵏蓋𦵏之譌字

𦵏 洛誥𦵏𦵏一𦵏說文無𦵏字大雅𦵏𦵏一𦵏陸釋
文曰𦵏𦵏或作𦵏又周禮𦵏人廟用脩注鄭司農云
脩器名廟謂脩讀曰𦵏知脩亦𦵏之假借字 案康

成謂脩讀曰𠂔。是康成時有𠂔字。而說文不載者。或
𠂔卽𠂔之形變。然說文部首𠂔。逗艸木實垂。逗𠂔𠂔。然象形。器名字作𠂔。亦假借。此殆亙古無正字者。

霍 說文作𨾏。在雉部。無霍字。史記絳侯世家降下
霍人注云字或作𨾏。

憤 多方亦惟有夏之民。叨憤日欽。說文無憤字。至部
𡗗。忿戾也。周書曰。有夏氏之民。叨𡗗。讀若摯。案叨𡗗
卽叨憤。大學身有所忿懣。鄭注。懣或作憤。懣憤皆俗
字。𡗗其正字。

頽 顧命王乃洮頽水。陸釋文曰。頽說文作洮。古文作

類案今說文沫之古文不作類亦別無類字漢書律
諱志引顧命王乃泔沫水師古曰沫卽類字司馬遷
傳沫血飲泣師古曰沫古類字

篋 顧命敷重篋席說文無篋字旨部莫火不明也从
旨从火旨亦聲周書曰布重莫席織蒻席也讀與蔑
同案莫席是壁中古文如此許引之說似借也段氏
玉裁曰孔安國以今文字讀之易爲蔑衛包又改爲
篋以上段語莫蔑皆假借字其正字當作密爾雅釋草荷
芙渠其本密郭注莖下白蒻在泥中者案密爲蒻在
泥中者則織蒻席當爲密席 玉篇篋亡結切竹皮

也此箴字士喪禮注作箴卽箴之變

咤 顧命三咤說文無咤字陸釋文曰咤字亦作宅說文作託案說文一部託奠爵也从一託聲周書曰王三宿三祭三託此三咤之正字羣經音辨一部宅奠爵也注引書三宅此假借字又曲禮毋咤食玉篇口部引作無吒食案咤食鄭注謂嫌薄之說文吒噴也叱怒也與嫌薄義近

跽 呂刑跽辟跽罰說文無跽字足部跽跽也从足非聲讀若匪卽跽字跽卽跽字

峙 說文無峙字費誓峙乃稷糧峙乃楨幹峙乃錫葵

史記魯世家作時案說文時踣也訓具之字作時亦假借其正字當作庠周頌庠乃錢鏹毛傳庠具也說文庠儲置屋下也案儲置屋下卽具義

截 說文作截在戈部

書字四十五倂耄絲迤感恪展憑蟻鋒十一字不在內例見卷二

說文外編卷三終

說文外編卷四

吳縣雷浚

經字

詩

輾 說文無輾字周南輾轉反側陸釋文曰輾本亦作展呂忱從車展案呂忱者字林也則輾字始於字林矣後漢書光武帝紀注引詩展轉反側展字不從車說文展轉也此三字句非以轉訓展說文有此例

咀 周南陟彼咀矣說文無咀字玉篇咀亦作咀說文咀石戴土也从山且聲詩曰陟彼咀矣

秣 周南言秣其馬陸釋文曰秣說文云食馬穀也案

說文無秣字所引乃食部之飮食馬穀也知飮即秣字

鵠 說文作誰在鳥部爲鳥之重文鳥古文也

嚶 召南嚶嚶草蟲說文無嚶字未詳

芾 召南蔽芾甘棠說文無芾字卷六部首米艸木盛

米米然象形八聲讀若輩此蔽芾之正字戚氏學標

曰漢蕩陰令張遷碑作蔽沛案此假借字浦廣文錫爵曰集韻

以芾芾爲一字注云又朱芾古亦作朱米說文米部

案下引杜林說米亦朱米字是也其正字當作市說

文卷七部首市𦉳也上古衣被前而已所以象之夫

子朱市諸侯赤市卿大夫蒔衡从巾象連帶之形是也又通作第作紼小雅朱第斯皇文選王元長三月三日曲水詩序用此文作朱第戚氏學標曰白虎通引作朱紼

紼 召南素絲五紼毛傳紼數也說文無紼字陸釋文作它注云它數也本或作紼

絨 召南素絲五絨毛傳絨縫也說文無絨字玉篇絨或作黻案說文黻羔裘之縫

褱 俗本毛詩何彼褱矣褱从禾說文無此字衣部褱衣厚兒引詩何彼褱矣陸詩釋文同今注疏本亦如

此

瀾 邶風有瀾濟盈毛傳瀾深水也說文無瀾字下文
河水瀾瀾文選齊故安陸昭王碑注引作瀾瀾說文
瀾滿也此瀾之正字

謫 邶風室人交徧謫我毛傳謫責也說文言部無謫
字謫罰也此謫之正字桓公十八年左傳公謫之杜
注謫譴也成公十七年左傳國子謫我杜注謫譴責
也皆如此作又孟子離婁篇人不足與適也注引詩
室人交徧適我知謫古祇作適謫正字適假借字謫
俗字

跣

跣

鄜風搔首跣跣說文無跣字跣字止部時踞也足

部踞時踞不前也卽跣

髭

鄜風髭彼兩髦說文髭部無髭字髭下引詩統彼

兩髭卽髭彼兩髦

髭

鄜風象之髭也毛傳髭所以摘髮也說文無髭字

髭乃摘之省說文骨部髓骨髓之可會髮者後漢書

輿服志簪以瑋巾爲髓長一尺又曰其髓有等級焉

字皆作髓

鶉

鄜風鶉之奔奔陸釋文曰鶉鶉鶉鳥說文無鶉字

佳部雞雉屬从佳羣聲常倫切卽鶉字雉卽鶉字又
小雅匪鶉匪鳬毛傳鶉雕也陸音徒丸反此鶉字當
作鷖說文鷖雕也从鳥敦聲詩曰匪鷖匪鳬度官切
譚 衛風譚公維私說文無譚字莊公十年左傳齊師
滅譚譚無禮也說文作鄆邑部鄆國也齊桓公之所
滅史記齊世家作鄆爲鄆之譌字

螭 衛風螭首毛傳螭首顙廣而方鄭箋螭謂蜻蜻也
說文無螭字頁部顙好兒从頁爭聲詩所謂顙首案
好兒與顙廣而方義合許所見本不作螭故說文有
顙無螭毛所據本當與許同至鄭本已作螭故云謂

蜻蜻也。方言：蟬有文者謂之蜻蜻。爾雅釋蟲注引作有文者，謂之螻。陳氏奐曰：螻當卽蜻之異體。

籊 衛風：籊籊竹竿。毛傳：籊籊，長而殺也。說文無籊字。爾雅釋木：栝，迤栝，擢。郭注：栝，擢長而殺者。知詩之籊，卽爾雅之擢。

漈 衛風：淇水漈漈。毛傳：漈漈，流貌。陸釋文作漈，漈說文無漈字，亦無漈字。五經文字：水部漈亦作攸。案說文攸部攸，行水也。从攴，从人，水省。此漈，漈之正字。

痲 衛風：使我心痲。毛傳：痲，病也。說文無痲字。大雅亦孔之痲。毛傳：痲，病也。彼釋文曰：痲本又作悔。

翽

王風左執翽毛傳翽翽也翽也說文無翽字玉篇翽翽同說文翽翽也所以舞也从羽設聲徒到切又通作韜鄉射記以鴻脰韜上鄭注此翽旌也又云今文韜爲翽據此則作韜者古文也此古假借字

褱

鄭風褱褱暴虎說文無褱字陸釋文曰褱本又作

袒案說文袒衣縫解也袒褱亦假借字說文肉部臄下引詩臄褱暴虎亦引詩說假借互詳卷六褱褱之正

字當作但說文人部但褱也玉篇褱同褱此禮記

褱衣之褱字雜記褱衣注云褱周禮作展案說文尸部展轉也非其義衣部褱丹穀衣也此褱衣之正字

摻 鄭風摻執子之祛兮毛傳摻擊也正義曰說文摻

字參

山音反

聲訓爲斂也似說文有摻字而今本無之

魏風摻摻女手此摻字說文作搯好手兒引詩搯搯女手

醜

鄭風無我醜兮毛傳醜棄也鄭箋醜亦惡也

上章無我

惡兮故云亦惡說文無醜字依毛當作馵說文馵棄也引詩無我馵兮依鄭當作醜說文醜可惡也

蘆

鄭風茹蘆在阪說文艸部無蘆字菹逗茅菹逗茹

蘆段作茹蘆注云鉉本作蘆味其語意似錯本作蘆今徐鉉說文舊本已不可見所見者道光中祁刻本

而已不作蘆也姑記以俟攷

俞太史樾曰廣雅地血

氏疏證本改爲蘆沒案據此知祁本不作蘆

是校川時誤改王祁同蔽於此見攷古之難

衿

說文無衿字鄭風青青子衿漢石經作衿說文衿

交衽也此青衿之正字內則衿纓綦屨陸釋文曰衿本又作衿說文衿衣系也此衿纓之正字

蘭

鄭風方秉蘭兮毛傳蘭蘭也說文無蘭字漢書地

理志引此文作秉菅案此假借字其正字當作蕞說

文蕞艸也一切經音義卷二云蕞蘭也字書與蘭同

忉

齊風勞心忉忉毛傳忉忉憂勞也又陳風心焉忉

忉檜風勞心忉忉說文心部無忉字忍怒也从心刀

聲讀若類。案刀聲不應讀若類。疑讀若類三字在後。心篆下轉寫誤在此。忍卽忼字。怒義與憂勞義相近。集韻云忼亦書作忍。案忍者忍之譌字。

洳 魏風彼汾沮洳。毛傳沮洳其漸洳者。說文無洳字。玉篇洳同澤。說文澤漸溼也。

栲 唐風山有栲。毛傳栲山櫟。說文無栲字。玉篇栲苦道切。山櫟也。栲同。說文栲山櫟也。从木尻聲。苦浩切。毛山櫟。顧山櫟義不同。唐風正義引陸機疏云。山櫟與下田櫟畧無異。葉似差狹耳。吳人以其葉爲茗。方俗無名。此爲栲者似誤也。

杻 隰有杻毛傳杻櫪也說文木部無杻字櫪杻也杻
之古文作𣎵其右旁似屯非屯似丑非丑段氏玉裁
曰卽屯字側書之耳集韻竟作杻非也浚案集韻是
也杻杻一字故毛傳杻櫪也說文櫪杻也互訓也至
杻榦之杻不妨卽此字猶雲云常裳鳳朋烏於呂膺
抗杭續廣諸字說文爲一字經典爲二字 杻又有
訓械者當作杵玉篇杻敕九切械也杵同說文杵械
也

皓 說文作皓在日部然唐風白石皓皓从日作皓尙
是假借字說文皓日出貌義遠頁部顙白兒从頁从

景楚詞曰天白顙顙南山西顙白首人也此皓皓
首之正字

駟 秦風駟駟是中鄭箋赤身黑鬣曰駟說文馬部無
駟字駟赤馬黑毛尾也卽駟字作駟者省體

榱 秦風隰有樹榱毛傳榱赤羅也說文無榱字陸釋
文曰榱或作遂案此似借字說文榱羅也从木豕聲
詩曰隰有樹榱爲榱之正字玉篇榱榱同

劉 陳風佼人劉兮說文無劉字陸釋文作劉羣經音
辨刀部劉好也注引詩佼人劉兮依說文當作鐻其
實當如俗作劉詳卷二劉下

憂 舒憂受兮。陸釋文曰：憂，舒貌。說文無憂字。唐石經作憂。說文欠部憂，和之行也。此憂之本義，爲憂之本字，與心部懸愁也。截然二字。說文憂下引詩布政憂憂，今詩作優。優，憂字正文，僅見陳風石經，而顧氏炎武以爲誤字，難哉。

曜 檜風日出有曜。說文無曜字。玉篇曜，余照切。照也。亦作耀。說文耀，照也。此曜之正字。漢書司馬相如傳：獲曜日月之末光，絕炎。封禪書史記作耀。

搏 檜風勞心搏搏。兮毛傳：搏搏，憂勞也。說文無搏字。後漢書張衡傳：志團團以應懸兮。思賦文選作搏搏。

而李善注引詩勞心圖圖知文選古本不作搏搏毛詩古本不作搏搏也

蘊

我心蘊結分說文無蘊字小雅我心苑結

俗本作苑結

苑卽蘊爲假借字說文蒹積也从艸溫聲春秋傳曰蒹利生孽此蘊之正字繫辭傳乾坤其易之緼邪爲假借字又大雅蘊隆蟲蟲陸釋文曰蘊本又作燭案說文燭鬱煙也此又蘊隆之正字又後漢書桓榮傳溫恭有蘊藉章懷注蘊藉言寬博有餘也此蘊字本作溫見小雅飲酒溫克鄭箋內則柔色以溫之鄭注禮器溫之至也鄭注又作醢藉見漢書薛廣德傳師

古曰醞言如醞釀也。藉有所薦藉也。又見匡張孔馬傳贊師古曰醞藉謂如醞釀及薦藉道其寬博重厚也。

偈 檜風匪車偈兮。說文無偈字。漢書王吉傳引此文作揭。玉篇偈又其例切。偈句也。此偈字江先生作揭。蓋玉篇偈下引詩伯兮偈兮。今詩作揭也。

蜉 曹風蜉蝣之羽。毛傳蜉蝣渠略也。朝生夕死。說文蜉在蝨部爲蠹之重文。虫部無蜉字。螻渠螻也。一曰蜉游朝生莫死者。蜉作游。汲古閣大字本作蜉非夏小正五月浮游有殷。傳曰浮游者渠略也。朝生而莫死。淮南詮

言訓龜三千歲浮游不過三日皆作浮游文選王子
淵聖主得賢臣頌蜉蝣出以陰漢書王褒傳作蜉蝣
師古曰蜉字亦作蝣其音同也案此假借字

鵠 曹風鵠鵠說文無鵠字陸釋文曰鵠本亦作尸案
漢書鮑宣傳合尸鵠之詩後漢書袁紹傳惟陸下垂
尸鵠之平皆作尸

脩 豳風予尾脩脩毛傳脩脩敝也說文無脩字唐石
經作脩脩錢氏大昕曰宋光堯御書亦作脩脩盧氏
文弼曰呂氏讀詩紀作脩脩浚案集韻四宵以脩脩
爲一字注云脩脩羽敝也亦作脩

蠋

幽風蠋蠋者蠋說文虫部無蠋字蜀葵中蠶也从虫上目象蠋頭形中象其身蠋蠋詩曰蠋蠋者蜀蜀卽蠋本从虫無用更加虫旁也

羸

說文羸袒也从衣羸聲或从果作裸羸合二聲爲一字無此字例幽風果羸之實毛傳果羸拈樓也其正字當作羸說文羸在木曰果在地曰羸从艸从瓜郎果切是也古或假羸字爲之因之變爲羸耳凡經傳羸字皆羸之譌

鵲

幽風鵲鳴于垤鄭箋鵲水鳥也說文無鵲字祇作翟翟部翟小爵也从翟聑聲詩曰翟鳴于垤此鵲

字與爾雅釋鳥鶴字異別詳爾雅

錄 幽風又缺我錄毛傳木屬曰錄陸繹文曰錄韓詩
云蠶屬也一解云今之獨頭斧說文無錄字木部株
一曰蠶首許意株卽錄字

桃 小雅視民不桃毛傳桃愉也說文無桃字人部佻
愉也从人兆聲詩曰視民不佻昭公十年左傳引此
文亦作桃

倣 說文無倣字小雅君子是則是倣昭公七年左傳
引作效又民胥倣矣昭公六年左傳引作效又報效
見後漢書張酺傳俗或作効非

飫 小雅飲酒之飫毛傳飫私也不脫屨升堂謂之飫
此飫字說文作饌燕食也从食𠂔聲詩曰飲酒之饌
飫字又有訓飽訓厭者當作飫說文勺部飫飽也从
勺𠂔聲民祭句祝曰厭飫案飫卽飫厭飫卽厭飫
蕝 小雅釃酒有蕝毛傳蕝美貌說文無蕝字廣韻八
語蕝蕃蕝小雅我黍與與鄭箋與與蕃廡貌與卽蕝
疑伐本篇蕝字本亦作與故說文無蕝字而廣韻所
據則我黍與與亦作蕝故云蕝蕃蕝古今字異古人
所見之書不必盡與今同也

狁 小雅獫狁之故說文無獫字狁字陸釋文曰獫本
或作獫狁本或作允案漢書匈奴傳引詩獫允之故
獫允孔棘衛青傳引詩薄伐獫允皆如此作霍去病
傳作帶允

瘁 小雅僕夫況瘁說文無瘁字陸釋文曰瘁本亦作
萃案此假借字其正字當作頤作悴說文頤頤頤也
悴憂也小雅或盡瘁事國漢書五行志引作盡頤大
雅邦國殄瘁王莽傳引作殄頤如諱曰頤古悴字也
瘡 小雅四牡瘡瘡毛傳瘡瘡罷貌說文無瘡字爾雅
釋訓瘡瘡病也疏引小雅四牡瘡瘡又引大雅靡聖

管管則瘡瘡卽管管大雅毛傳管管無所依也廣韻
二十四緩意下引作意意無所依則管管又當作意
意說文意憂也意正字管假借字瘡俗字

鯨

小雅鱗鯨毛傳鯨鮪也說文無鯨字爾雅釋魚鯨

逗鮪句彼釋文曰鯨本又作鮪案說文鮪魚名出樂

浪潘國从魚沙省聲則鯨者鮪之不省

肇

小雅肇革忡忡毛傳肇轡也又鉤膺條革鄭箋條

革轡首垂也說文無肇字玉篇肇亦作簽說文簽一

曰轡首銅卽鄭之轡首垂肇革連文肇蓋涉下革字

而譌

佐 說文無佐字當作左詳卷一佑下

𨔵 說文無𨔵字小雅如𨔵如軒鄭箋從後視之如擊

從前視之如軒擊即𨔵考工記轉人軒擊如此作此

假借字

經作𨔵箋作擊者不從經亦不改經也鄭箋多有如此

其正字當作擊

玉篇𨔵同擊說文擊抵也淮南人閒訓置之前而不

擊錯之後而不軒如此作

遂 小雅言采其遂說文無遂字陸釋文曰遂本又作

蓄案文選曹子建七啟霜蓄露英注引小雅此文曰

遂與蓄音義通也其正字當作苗蓋遂一名蒨

齊民要術

引詩說文苗蒨也从艸由聲徒歷切又他六切別體

作遂者猶笛从竹由聲別體作遂也說文竹部亦有
笛無遂

癩 小雅癩憂以痒毛傳癩痒皆病也說文無癩字爾
雅釋詁癩病也彼釋文曰癩詩作鼠案今小雅正月
篇作癩而無正篇鼠思泣血作鼠據陸則正月篇古
亦作鼠今作癩者淺人加疒涉下痒字而加也

惛 小雅憂心惛惛毛傳惛惛憂意也說文無惛字今
部𢀛驚辭也从分旬聲或从心作惛爲惛之本字从
子者从分之變下文哀此惛獨孟子梁惠王篇引作
𢀛此假借字

蜴 小雅胡爲虺蜴毛傳蜴蜥也正義曰釋魚云蜥蜴
逗蜥蜴句蜥蜴逗蜥蜴句蜥蜴逗守宮也說文無蜴
字部首易蜥易蜥蜴守宮也象形祕書說日月爲易
象陰陽也案象形者象蜥易之形此蜴之本字引祕
書說日月爲易者爲今周易字引伸之爲交易又引
伸之爲難易

妣 小雅赫赫宗周褒妣威之說文火部威下引此文
而毛本作妣孫木及明刻呂熹本作似無妣篆鄭特
牲饋食注宗婦之娣婦舉觶於其妣婦陸釋文曰妣
本或作似又通作弋春秋襄公四年夫人妣氏薨公

羊作弋氏下文葬我小君定姒作定弋定公十五年
姒氏卒穀梁作弋氏葬定姒作定弋鄘風美孟弋矣
朱子曰弋春秋或作姒案弋姒形義皆不近而得相
通者音通也古音無入聲凡入聲字多作去聲讀也
炤 小雅潛雖伏矣亦孔之炤案炤是晉人避諱字說
文所無當依中庸作昭

𡵚 小雅𡵚𡵚彼有屋毛傳𡵚𡵚小也陸釋文曰𡵚說
文作𡵚案說文𡵚小兒从人𡵚聲詩曰𡵚𡵚彼有屋
無𡵚字

𡵚 𡵚𡵚方有穀毛傳𡵚𡵚陋也說文無𡵚字後漢書

蔡邕傳速速方穀卽用此文而其字作速

穀作穀說詳章後注

又可作逮漢書息夫躬傳請曹以下僕逮不足數師

古曰僕逮凡短之貌也速小篆逮籀文大雅其藪

維何維笱及蒲此藪字當作藪作餽說文𠩺部𠩺鼎

實惟輦及蒲从𠩺速聲或从食束作餽案鼎九四覆

公餽鄭曰餽菜也餽卽藪

聚說文木部有椶字無聚字小雅聚子內史漢書古

今人表作擗子蓋擗譌爲椶又移木於下耳

餽說文無餽字小雅亂是用餽陸釋文曰餽音談徐

音鹽案小雅此文表記引之彼釋文曰餽徐本作鹽

頽 小雅維風及頽毛傳頽風之焚輪者也說文無頽
字爾雅釋大焚輪謂之頽頽卽頽說文頽禿兒从禿
貴聲段氏玉裁曰今俗字作頽失其聲矣浚案頽又
通隤爾雅釋詁虺頽病也周南我馬虺隤字作隤說
文隤下隊也凡衰頽頽唐可作頽亦可作隤

睽 說文無睽字小雅睽焉顧之陸釋文曰睽本又作
眷盧氏文弼曰後漢書劉陶傳荀子宥坐篇引皆作
眷

璲 小雅韜韜佩璲毛傳璲瑞也說文無璲字衛風咨
兮遂兮鄭箋遂瑞也遂卽璲

安 說文無安字而偏旁有之諸家各爲一說獨姚氏
文田據漢書燕王旦傳北州以安孟康曰安古綏字
謂安卽綏之古文今本說文綏下奪古文浚案姚說
是也小雅以安以侑毛傳安安坐也卽士相見禮安
而後傳言之安彼注云古文安爲綏商頌綏我眉壽
綏字陸音安曲禮執天子之器則上衡國君則平衡
大夫則綏之鄭注綏讀曰安又國君綏視鄭注綏讀
爲安皆安綏爲一字之明證獨其从爪从女之意不
可得而說段氏玉裁以爲與安同意而爲之說曰安
女居於室安女近於手案女近於手四字已不達又

曰飲食男女人之大欲存焉故从此會意則言不雅

馴矣宜遭後人之指擊也俞太史繼曰鄙見曲禮行

人則安矣均从女宜矣其从爪者或即內則疾痛疴癢敬抑搔之義

昀 小雅昀昀原隰毛傳昀昀墜辟貌說文無昀字爾

雅釋訓昀昀田也彼釋文引字林云均均田也字作

均夏小正正月農率均田均田者始除田也均即昀

字

或 小雅黍稷或或毛傳或或茂盛兒說文無或字或

以爲或之隸變非也玉篇或於六切文章兒說文有

部蔽有文章也从有或聲於六切音義竝合潘廣文

稂正字。𥝌从有，或聲。故可假或字爲之。因之。𥝌變爲或。舊說未可非。

𥝌 小雅或耘或耔。毛傳：𥝌，籜木也。說文無𥝌字。漢書食貨志引此文，作或芸。或，芋。案芋是耔之假借字。說文耔，墜禾本爲耔之正字。

阜 小雅既方既皂。毛傳：寶未堅者曰阜。說文無阜字。
艸部：𦰩，草斗。通。櫟實也。一曰象斗子。案櫟實爲草俗變作阜。作阜引伸之故。實未堅者曰阜。阜卽草。周禮大司徒：其植物宜阜物，假借阜晚字爲之。

觥 小雅兕觥其觥。陸釋文曰：觥，本或作觥。案說文角部無觥字。觥，角兒。从角，斗聲。詩曰：兕觥其觥。爲觥之

正字周頌有抹其角鄭箋抹角兒爲假借字

忒 小雅威儀忒忒陸釋文曰忒說文作忒案說文忒威儀也从人必聲詩曰威儀忒忒無忒字

飶 小雅如食宜飶毛傳飶飽也說文無飶字勺部飶

飽也从勺鼓聲民祭句祝曰厭飶句卽飶厭飶俗亦

作厭飶五經文字食部飶與飶同注云飶說文作飶

燕食也案飶正字飶俗省作飶爲假借字飶俗字

狻 毋教狻升木毛傳狻狻屬說文無狻字攴部𤝵貪

獸一曰母猴似人从頁句已止攴其手足奴刀切爲

狻之正字玉篇狻狻同案樂記獼狻子女狻卽狻之

變爲假借字

𠂔 大雅常服黼𠂔毛傳𠂔殷冠也說文無𠂔字白虎
通緯冕篇殷詡夏收而祭謂之詡者十二月之時施
氣受化詡張而後得牙故謂之詡此殷冠名之正字
說文皃部覓下云周曰覓殷曰𠂔夏曰收汲古閣大
字本如是宋本及明版五音韻譜皆作吁集韻三十
三綫覓下云周曰覓商曰吁亦作吁此殷冠名之假
借字後人不達假借之指加日作𠂔字林作𠂔屢變
益奇矣

𠂔

大雅駟駟彭彭說文無𠂔字

廓 大雅。惜其式廓。毛傳。廓大也。說文無廓字。陸釋文

作式郭。案說文部首鼓郭也。春分之音。萬物郭皮甲

而出。二郭字。卽廓字。又雨部霏。雨止雲罷。兒此廓之

正字。淮南天文訓。道始於虛。歸虛。霏生宇宙。如此作

串 大雅。串夷載路。毛傳。串習也。說文無串字。部首田

穿物持之也。从一橫貫象寶貨之形。俗作串者。卽田

字橫書之。非有二字也。此訓習之假借字。爾雅釋詁

串貫習也。貫亦假借字。卅貫古今字。此說文其正字

當作還。作損。說文是部。還習也。从是貫聲。古患切。手

部。損習也。从手貫聲。古患切。

糜 大雅維糜維芑毛傳糜赤苗也說文無糜字艸部

芑下引詩維芑維芑芑即糜爾雅釋草芑赤苗彼釋

文曰芑詩作糜案說文芑赤苗嘉穀也此糜之正字

祭 大雅于豆于登通行本如是注疏本作登阮氏校勘記曰

用臺本說文豆部無登字喪禮器也从収持肉在豆

登作登上讀若鏡同此登之正字作登者假借字又通作鏡

公食大夫禮大羹湑不和實于鍤鄭注瓦豆謂之鍤

案鍤从収持肉在豆上此會意字登从𠬞豆豆者

簋之省觀籀文作𠬞可知蓋簋省聲也今說文云从

𠬞豆象登車形夫从𠬞豆何以象登車形此說之可

疑者許疑非段氏不疑此而疑彘篆爲淺人妄增且曰

籀文登作𡳿或益之肉成此字豈非好爲異說登

登之辨始於劉氏台拱其意謂詩爾雅登字當作登耳至段氏并疑及說文𡳿字可異也

醢

大雅醢醢以薦毛傳以肉曰醢醢說文無醢字血

部醢血醢也从血𦞙禮有醢醢以牛乾脯梁竊鹽酒也他感切卽醢字又周禮醢人醢醢鄭注醢肉汁也說文肉部𦞙肉汁滓也从肉尤聲他感切亦卽醢字醢醢似古今字離居二部者

嶽

大雅陟則在嶽毛傳嶽小山別於大山也說文無

巘字爾雅釋山小山別大山

還鮮句

毛意大雅之巘

卽爾雅之鮮陸釋文作巘爾雅釋山重巘

還謙句巘

卽巘字

鞠

大雅芮鞠之卽毛傳鞠究也爾雅釋言鞠究窮也

究亦窮之意說文無鞠字山部窾窮也走部趨窮也

竝訓窮之正字陸爾雅釋文曰鞠字又作鞠案邠風

昔育恐育鞠毛傳鞠窮也齊南山小雅小弁同此訓

窮之假借字又漢書地理志右扶風汧下云詩芮隄

雍州川也師古曰隄讀與鞠同大雅止旅乃密芮鞠

之卽韓詩作芮隄玉篇鞠居竹切問鞠也此鞠字

休自矜氣健之貌。說文：𩚑作𩚑，無休字。口部：咆，噪也。从口，包聲。薄交切。哮，豕驚聲也。从口，孝聲。許交切。此𩚑，然之正字。左太冲《魏都賦》：「吞滅咆然。」李善注：「咆，𩚑也。猶咆哮也。」詩曰：「咆然于中國。」

蟪 大雅：「如蜩如蟪。」毛傳：「蜩，蟬也。蟪，蟪也。」說文：「無蟪字。」夏小正：「五月，蜩鳴。」祇作「唐」，無虫旁。

玷 說文：「無玷字。」大雅：「圭之玷。」毛傳：「玷，缺也。」陸釋文曰：「玷，說文作𠂔。」案說文：「刀部：𠂔，缺也。从刀，占聲。」詩曰：「白圭之𠂔。」丁念切。又缶部：𠂔，缺也。从缶，占聲。都念切。聲義竝同。

燼

大雅具禍以燼鄭箋災餘曰燼說文無燼字陸釋

文作以蓋方言蓋餘也自關而西秦晉之間炊薪不盡曰蓋文選馬季長長笛賦蓋滯抗絕李善曰蓋與燼同案此燼之假借字說文燹火餘也此燼之正字玉篇燼同燹

瘡

大雅多我觀瘡鄭箋瘡病也說文無瘡字邶風觀

閔既多毛傳閔病也閔卽瘡大雅瘡字毛無傳已見邶風也可知毛所見大雅不作瘡

隧

大雅大風有隧毛傳隧道也說文無隧字費誓魯

人三郊三遂史記魯世家作三隧考工記匠人廣二

尺深二尺謂之遂。陸釋文作隧云。本又作遂。知隧遂古通用。周語其亡也。回祿信於聆隧。說文耳部聆下引作聆遂。

崧 說文無崧字。崧卽嵩。嵩在新附。其正字當作崇。說詳鈕氏新附攷。

鏘 大雅八鸞鏘鏘。鄭箋鏘鏘鳴聲。說文無鏘字。陸釋文作將將。商頌八鸞鵠鵠。又作鵠。皆假借字。玉藻然後玉鏘鳴也。其正字當作瑒。說文瑒玉聲也。小雅有瑒瑟珩。毛傳瑒瑟聲也。如此作亦通。作將。秦風佩玉將將。又樂記非聽其鏗鏘而已也。史記樂書作鏗鎗。

漢書禮樂志同

鯨 周頌鯨鯨鰈鯨鄭箋鯨白鯨也說文無鯨字爾雅
釋魚鮪黑鯨郭注卽白鯨魚陸釋文曰鯨音條案白
鯨卽白鯨說文鯨从魚攸聲而陸音條者條亦攸聲
也鯨大徐直由切

蜂 說文作蠚在虺部

旒 商頌爲下國綴旒毛傳旒章也鄭箋旒旌旗之垂
者也說文从𠂔部無旒字游旌旗之游也从𠂔汙聲以
周切爲此旒字之本字桓公二年左傳鼙屬游纓杜
注游旌旗之游也如此作𠂔部又有旒字與游音義

趙同又樂記龍旂旒旌釋文作流此假借字又旒
旒字當作璫說文璫垂玉也冕飾

詩字一百四讀趙蝦諸蚌椒韻板婆黑讀爲流圻
朗 吳錫珩十九字不在內例見卷二顧字大徐本
無小徐本有又簞旒各本皆如是近江蘇局刻本作
第此用爾雅校改其實非也銷見爾雅毛詩無此字

改訂詩字

純 召南素絲五純毛傳純數也說文無純字陸釋文
作它注云它數也木或作純又云木又作他同徒何
反初以他卽它之俗體故本又作他四字未引近見
陳氏與詩毛傳疏引此條他作佗陳君曾見葉石林
鈔本釋文者蓋宋本也據此則五純當作五佗左傳
陳公子佗字五父似本此此爲最古本矣作它之本
當尙在其後作純則俗本也